



ULSTEIN KYRKJE

Saman på ferda



Ulstein Sokn

Årsmelding 2018

Godkjent av Ulstein sokneråd i S-sak 2019/11



DEN NORSKE KYRKJA

Meir himmel på jorda



Foto: Per Eide

Den Norske Kyrkja
Ulstein sokn
Kyrjekontoret
Sjøgata 61 (Pb. 143)
6067 Ulsteinvik
Tlf.: 70 01 76 80

E-post: post.ulstein@kyrkja.no

Facebook: Ulstein kyrkje

Nettside Ulstein sokn: www.ulsteinkyrkje.no

Nettside Ulstein nye kyrkje: www.ulsteinnyekyrkje.no

Innhald

Saman på ferda	5
Ulstein kyrkje - ei aktiv folkekyrkje!.....	6
Kyrkjeleg årsstatistikk	7
Ulstein sokneråd	10
Tilsette i Ulstein sokn	11
Gudstenestene - saman for Guds åsyn	12
Gudstenesteutval	13
Misjon - saman om å dele evangeliet	15
Frivillig engasjement - saman om å bygge fellesskap	15
Diakoni	16
Byggeklossen Open barnehage	21
Kyrkjemusikk	22
Undervisning - saman i læring og praksis	26
Born og unge - saman for ein trygg oppvekst.....	32
Prestetenesta	34
Bygg og anlegg	36
Økonomi	39
Kontakter / Kommunikasjon.....	42

Saman på ferda

Å bygge ei open og forankra kyrkje for alle, i bygg og fellesskap, er eit fint, krevjande og meningsfullt prosjekt: Saman på ferda – kyrkjebyggerar i ulike båtlag i vår tid. Det er oss, og det er større enn oss.



Foto: Per Eide

Å bygge for framtida er også å vere trufast i kyrkja sitt oppdrag om å forkynne evangeliet, forvalte sakramenta, gje sjeleomsorg, lindre naud, vise omsorg, bygge fellesskap, vikle ut livet i dåpen, lage felles mål, syngje om ein himmel over livet frå vogge til grav - for mange, og på mange måtar, vere eit trufast reisefylgje. Saman på livsferda. Vår tids sosiale utfordringar er knytt til mellom anna einsemd og miljø. Sjølv om vi er på internett med heile verda, kjenner mange på einsemd og meningsløyse. Og har kyrkja noko å seie om plast i havet og om å bevare jorda og ressursane, slik at kloden vår vert leveleg for komande generasjonar?

Kyrkja sine møtestadar skal vere opne for alle, med ulik grad av det å høyre til. Nokon vil ha nært fellesskap med samtalegrupper og djupe venskap. Andre vil gå jamleg til gudsteneste, mange gir av sine gåver i den frivillige tenesta, og andre igjen vil berre vere innom av og til. Nokon kjenner på deltaking ved medlemskapet sitt. Ulstein kyrkje skal vere open for alle.

Samstundes treng vi at komande generasjonar får høve til å høyre til ved at ein vert døypt inn i fellesskapen. Kyrkja treng levande menneske som entrar kyrkjeskipet kvar søndag for å syngje og be når vi deler fellesskap om Ord og Bord i gudstenesta. Kvar generasjon må kjenne sitt kall for å bidra til ein levande kyrkjelyd. Gleda og kreativiteten ved å høyre til og bidra er stor.

Vi arbeider aktivt med å vere kyrkje og gje tilbod til alle behov. Her er elska fram ein kultur med samhandling innan organisasjonane. Ein er samhandlande og ikkje konkurrentar. Slik kan fleire finne fellesskap og sin plass innan mangfaldet. Kyrkja vert latterleggjort av nokon, men elska av enno fleire. Kyrkja er oss, og ho er større enn oss. Kyrkja samlar oss, femnar oss og utfordrar oss. Kyrkja er Guds kyrkje og forankra i Jesus Kristus. Han som elsker oss og ved sin Heilage Ande er det bandet som bind oss saman og fullendar.

Frå Ulstein sokn si visitasmelding.

Bispevisitas

22.01 - 03.02.2019

Ulstein kyrkje - ei aktiv folkekyrkje!

Ulstein kyrkje er ei aktiv folkekyrkje gjennom eit mangfald av arbeidsformer og ulike aktivitetar. I 2018 var det blant anna eit blomstrande gudstenesteliv, ein fullbooka kyrkjelydsweekend på Fjellsetra, mange konsertar og musikkarrangement - noko vel innarbeidd og noko nytt, innsamlingsaksjonen "Hjartevarme til jul" og ei målretta satsing på å involvere ungdom på leir og i ungdomsarbeid etter konfirmasjonstida.



Kyrkjeleg årsstatistikk

Aukande medlemstal

Ulstein sokn kan glede seg over gode tal i kyrkjeleg årsstatistikk. Mange av dei som ikkje er medlemmar i kyrkja, er kristne som regelmessig og sporadisk nyttar kyrkja sine tilbod. Dei vert ikkje talde i denne statistikken (katolikkar, ortodokse, andre kyrkjesamfunn og religionar m.m.)

Rikt gudstenesteliv

Vi har eit rikt og mangfaldig gudstenesteliv og prøver oss stadig ut med nye former og uttrykk. Eit høgare antal gudstenester trekk gjennomsnittet noko ned. Vi gleder oss imidlertid over eit blomstrande gudstenesteliv med ungdomsgudstenester, utegudstenester, forsøk med yogamesse m.m.

Fleire vigslar i kyrkja

Ulstein har framleis vederlagsfritt tilbod om vigsel for alle medlemmer, og vi ser med glede at til trass for liberaliseringa av vigselsretten, så vel ein i aukande grad å vie seg i kyrkja. Det er også opning for å vie seg utandørs etter avtale. Dei som er vigd for offentleg styresmakt, kan ha forbøn/ velsigning i kyrkja.

Stabile dåpstal

Det var totalt 61 dåpshandlingar i Ulstein kyrkje i 2018. Av desse var 57 busette i Ulstein sokn. 6 born som er busette i Ulstein sokn, hadde dåpssamtale her, men er døypte i andre kyrkjer. Vi beheld gode dåpstal, samtidig som nasjonale trendar viser nedgang i dåpstal.

Ulstein kyrkje har gode tal og mange medlemmar. Vi treng alle og er glade for kvart medlem. Alle trus- og livssynsamfunn får tildelingar etter medlemstal, så vår drift er avhengig av at folk er medlem. Dåp er einaste kriterium for medlemskap i Den norske kyrkja. Vi vonar og ser at mange vil føre den gode tradisjonen med dåp og medlemskap vidare.

Inntil 1.10.2018 mottok Ulstein kyrkjekontor fødselsmeldingar frå Folkeregisteret når medlemmar i Den norske kyrkja fekk barn. Då vi ikkje lenger får desse meldingane, vil vi ikkje lenger kunne sende invitasjon til dåp direkte til desse familieane slik vi gjorde tidlegare, så foreldra må sjølv må ta kontakt for informasjon om og registrering til dåp.


Dåp og trusopplæring gjev borna naudsynt erfaring og kunnskap til sjølv å velje kva dei vil tru på når dei vert vaksne. Då er det viktig at ein legg til rette for at borna kan ta dette valet på eit godt grunnlag. Kyrkja er open for at også born som ikkje er døypte kan få ta del i trusopplæring. Foreldra til desse borna må sjølv ta kontakt for å få informasjon om desse tilboda.

Vi ser med glede at vaksne også vil bli døypt og høyre til kyrkja. Dette skjer i eigne samlingar eller i vanlege gudstenester. Kyrkja har på ulike vis også støtt menneske frå seg, og vi erfarer at samtaler og høve til forsoning også fører til at ein vil melde seg inn att.


Tidlegare fekk kyrkja fødselsmeldingar frå Folkeregisteret når medlemmar i Den norske kyrkja fekk barn. Det får vi ikkje lenger. Difor kan vi ikkje sende ut invitasjon til dåp slik vi tidlegare gjorde. Foreldre må sjølv ta kontakt for informasjon og for å melde inn dåp.

Tabell 1: Utdrag av kyrkjeleg årsstatistikk

	2014	2015	2016	2017	2018
Medlemar og tilhørige i DNK	6521	6558	6523	6588	6622
% medlemar i den norske kyrkja	78,6%	77,8%	77,1%	77,0%	77,0%




Innmelde i DNK	1	3	8	13	4
Utmelde frå DNK	16	41	63	28	20
Døypte nyfødde som bur i Ulstein sokn	78	79	58	72	57
% døypte av fødde registrert i Ulstein	75%	79%	81,7%	67,9%	68%
Dåpshandlingar i soknet	82	79	65	75	61
Konfirmerte i kyrkja	107	111	91	102	92
% konfirmerte av 15-åringar (døypte og tilhøyrande)	-*	100,9%	95,8%	91,1%	93%
Gravferder	48	40	56	34	54
Kyrkjelege vigslar	6	12	12	14	15



* % for 2014 er ikkje berekna, då vi ikkje har antal tilhøyrande for denne gruppa.

	2014	2015	2016	2017	2018
Antal gudstenester totalt	80	73	84	81	86
Deltakarar, gudstenester totalt	15639	15020	15544	15310	15126
<i>Gjennomsnitt pr. gudsteneste</i>	195	206	185	189	176



Antal gudstenester, søn- og heilagdagar	60	57	61	60	61
Deltakarar, gudst. søn- og heilagdagar	13773	11249	12871	12889	11761
<i>Gjennomsnitt deltakarar pr. gudsteneste</i>	229	194	211	215	193
Gudstenester utanom søn- og heilagdagar	20	16	23	21	25
Deltakarar, gudst. utanom søn- og heilagdagar	1866	3771	2673	2421	3365
<i>Gjennomsnitt deltakarar pr. gudsteneste</i>	93	236	116	115	135
Antal gudstenester med nattverd	56	50	53	63	62
Deltakarar, gudstenester med nattverd	5806	4835	5478	5579	5418
Antal familie- og barnegudstenester	11	10	12	11	12
Deltakarar, familie- og barnegudstenester	2282	2190	2958	2630	3003
Antal gudstenester for barnehagar	3	3	3	3	3
Deltakarar, gudstenester for barnehagane	355	338	338	278	260
Antal gudstenester for skuleelevar	3	3	3	3	3
Deltakarar, gudstenester for skulane	1203	1284	1181	1188	1194
Antal gudstenester for ungdom	8	7	10	12	14
Deltakarar, ungdomsgudstenester	2335	1834	2067	2269	2733
Julaftangudstenester	2	3	4	3	3
Deltakarar, julaftangudstenester	878	963	1123	1131	1028
Andakter på institusjon eller aldersheim	78	80	80	76	72
Økumeniske gudstenester				1	1
Offer/kollekt i kyrkja	385.103	343.579	450.075	417.025	389.131
Gjevarteneste	16.200	14.500	1.359.761	987.400	1.171.750
Andre innsamlingar	86.159	109.075	129.911	215.000	209.772
Innsamlingar totalt	487.462	467.154	1.939.747	1.619.425	1.770.653
Fasteaksjonen	119.999	109.075	129.911	90.667*	124.129

* Talet for 2017 er lavt grunna at gåver gjeve via Vipps gjekk direkte til Innsamlingsaksjonen sentralt. Rutina vart endra i 2018, slik at gåver gjeve via Vipps vart registrert på Ulstein.

Ulstein sokneråd

Ulstein sokneråd/Ulstein kyrjelege fellestråd 2015-2018

Medleamar:

1. Annelise Kleven Godø
2. Lars Osnes Fiskerstrand
3. Knut Einar Tokheim
4. Hennie Anett Viseth
5. Hannelore Måseide (permisjon hausten 2018)
6. Liv Osnes Dalbakken
7. Susanne Gamlem
8. Inger Margrethe Roppen
9. Sokneprest Margit Lovise Holte

Varamedleamar:

1. Arne Sivertstøl
2. Ingvill Merete Kolshus Hopland
3. Peder Kristian Heimland
4. Karianne Sveen Orvik
5. Tørris Hegdal

Sokneprest i Hareid, Leidulv Grimstad er vara for soknepresten i Ulstein

Konstituering:

Leiar: Annelise Kleven Godø
Nestleiar: Lars Osnes Fiskerstrand
Sekretær: Kyrkjeverje Christfried Kaul

Ulstein kommune sin representant i kyrkjeleg fellestråd: Ordførar Knut Erik Engh

Kommunal vararepresentant: Steinar Torvik

Arbeidsutval: Annelise Kleven Godø, Lars Osnes Fiskerstrand, Hannelore Måseide og Margit Lovise Holte

Varamedleamar: Inger Margrethe Roppen, Liv Osnes Dalbakken

Sekretær: Kyrkjeverje Christfried Kaul

Kontaktpersonar:

Kirkens SOS: Inger Margrethe Roppen
Kirkens Nødhjelp: Knut Johan Rønningen
Det norske Bibelselskap: Kateket Bjørn Losvik
Komité for kyrkjekaffi: Diakoniutvalet

Saker fellestrådet og soknerådet har arbeidd med i 2018

- Strategiske satsingar for kyrkjelyden:
(1) Frivillighet, (2) PR og informasjonsflyt, (3) Aktivitetstilbod etter gudsteneste
- Omorganisering og nedbemanning etter kutt i tildeling for Byggekløssen open barnehage
- Dåpsliturgi
- Oppnemning av styrerepresentant i Ulstein Frivilligsentral
- Vedlikehald av Ulstein kyrkje
- Oppnemning av Leiar og kunstfagleg rådgjevar i kyrkjekunstkomité for Ulstein nye kyrkje
- Søknad om lånegaranti for bygging av Ulstein nye kyrkje
- Førebuing bispevistas
- Diakoniplan for Ulstein sokn
- Liturgisk musikk i gudsteneste
- Aksjon Hjartevarme til jul
- Kyrkjeoffer for 2019
- Gudstenesteplan og semesterplan
- Budsjett og rekneskap
- Oppnemning av nominasjonskomiteen til soknerådsvalet

Tilsette i Ulstein sokn

Prestar i Ulstein sokn

Sokneprest	Margit Lovise Holte	100%	
Kapellan	Jørgen Skogestad Kleiven	80%	(20% prostesekretær)

Faste tilsette i Ulstein kyrkjelege fellelsråd

Kyrkjeverje:	Christfried Kaul	100%	
Sekretær:	Johanne Krogstadmo	80%	
Kyrkjetenar/k.gard.:	Jan Erling Davidsen	100%	
Kyrkjegardsarbeidar:	Sarunas Simanavicius	50%	
Kantor:	Ståle Helvig	100%	
Diakon:	Ranveig Kaldhol	100%	
Kateket:	Bjørn Losvik	100%	(20% permisjon våren 2018)
Trusopplærar:	Wendi Stråbø	100%	(60% frå 01.07.2018)
Pedagogisk leiar barnehage / barne- og ungdomsekretær:	Beate Mjøen Berg	90%	(permisjon frå 01.07.2018)
Assistent barnehage:	Nicoleta Munteanu	30%	(fram til 30.06.2018)
Assistent barnehage:	Greta Håkonsholm	20%	(fram til 30.06.2018)
Klokkar:	Inge Kaldhol	timebasert	
Reinhaldar:	Sellathamby Vamathevan	31,6%	

Prosjektstillingar:

Ungdomsarbeidar	Ruben Voldsund	10%
-----------------	----------------	-----

Vikarar:

Ungdomsarbeidar	Ruben Voldsund	10%
Vikar barnehage	Elina Escobar	24%
Vikar barnehage	Beate Ulstein	14%
Vikar trusopplæring:	Johanne Krogstadmo:	20%

I tillegg er det nytta vikarar for organist, kyrkjetenar og klokkar ved enkelte høve. På kyrkjegarden var sommarhjelp framleis ein viktig ressurs sjølv om vi brukte dei i mindre omfang enn før.

Vurdering

Det er eit inspirerande arbeidsfellesskap i Ulstein sokn, med eit godt klima for å utvikle og gjennomføre nye aktivitetar og tiltak som team. Ein stabstur i april har inspirert staben og gitt ny motivasjon i arbeidet.

Arbeidstempoet er høgt og oppgåvene er mange og dei veks i takt med at kyrkjelyden både får nye medlemar og nye oppgåver.

Arbeidssituasjonen i til dels krevjande lokale, aktivitetar fordelt på fleire lokale i kommunen, og utsetting av vedtak for bygging av ei ny kyrkje, er slitafaktorar i arbeidskvardagen for dei tilsette.

Gudstenestene - saman for Guds åsyn

Gudstenestene er levande møtestadar med vakker musikk, samvær med andre menneske, Guds nærvær, ro og tid til ettertanke, samt glede og gode smil. Gudstenesta opnar kyrkjedøra i oss, nærer vår sjel og har eit språk som kan håp, kraft og kjærleik.



I 2018 gjennomførte ein anonym journalist ei vandring gjennom ulike gudstenester i Oslo med meldingar og terningkast. Ho konkluderte med at gudstenester er betre enn sitt rykte. Å høyre til handlar også om å kjenne til, finne meining og livstolking i gudstenesta som kyrkja si hovudsamling med åndeleg fellesskap, tilbeding og teneste. Det gleder oss at born og unge frimodig tek del i gudstenester og er dei fyrste som kjem til nattverdbordet. Slik viser dei veg for mange vaksne og eldre. I ei tid hektisk tid er ro og kontemplasjon viktig, men også i ei samtid der mange kjenner på einsemd er kyrkja si gudsteneste med påfølgande kyrkjekaffi ein open og sosial møtestad for menneske på tvers av alder og sosial status. Kulturskatten og den kristne kulturarven er levande møtestader med vakker musikk, samvær med andre menneske, Guds nærvær, ro og tid til ettertanke, samt glede og gode smil. Gudstenesta opnar kyrkjedøra i oss, nærer vår sjel og har eit språk som kan håp, kraft og kjærleik.

Mange er glade for at kyrkja finst, og at ho er der når vi treng henne. Ved minnesamvær på bedriftene og i kriseteam etter tragiske dødsfall, som tilbod om kompetanse i skule og barnehagar, i trusopplæring, i samfunnsdebatten og når to skal gje kvarandre sitt ja. Det er uttrykk for tillit og kjærleik at ein mest tek kyrkja for gitt. Samstundes er det sårbart. Prestar og kyrkjeleg tilsette er attraktiv arbeidskraft og i dei komande åra vil det vere utfordrande å få utdanna og kompetent arbeidskraft til stillingar i mindre sokn. Kyrkja sine tilsette skal utføre eit stort arbeid med svært små ressursar. Vi er avhengige av politikarar som stellar godt med henne. Kyrkja skal vere ei landsdekkande folkekyrkje seier Grunnlova, og difor skal det vere tilbod over heile landet.

Vi har ei flott og vital kyrkje i Ulstein, men vi er avhengige av at vi vernar om den ...

... at folk døyper borna sine og let dei vere medlem.

... at folk møter opp til gudsteneste, slik at dåpsborna vert tekne imot i ein fellesskap.

... at borna våre ikkje vert framande for gudstenesta, åndeleg liv og fellesskap. At borna får delta i trusopplæring og konfirmasjonsundervisning, slik at dei lærer den kristne trua.

... at vi omtalar kvarandre med respekt og tek avstand frå marginalisering, latterleggjering og utdaterte fordomar.

... at vi deler av vår tid og våre pengar, slik at det er mogleg for kyrkja å bidra til å lindre naud og ha driftsmidlar til det frivillige arbeidet.

... at vi får fysiske rom nok til å utføre arbeidet vårt etter gjeldande krav og lovverk.

Eit mangfaldig og livssynsøpe samfunn krev at vi anerkjenner og tek imot kvarandre ope og fordomsfritt, og samstundes at vi evnar å ivareta og bere vidare den kristne kulturarven som berande for vår identitet gjennom den kristne og humanistiske arven og trusgrunnlaget.

Kyrkja sin visjon er: «Meir himmel på jorda». I dei komande 4 åra er nasjonale mål for Den norske Kyrkja at: **Gudstenestelivet blomstrar, fleire søker dåp og trusopplæring, kunst og kulturuttrykk skal vere ein del av kyrkja sitt liv, at kyrkja skal engasjere seg i samfunnet, at fleire finn sin plass i kyrkja sitt arbeid, at kyrkja skaper trygge rom, og at kyrkja har ein demokratisk og velfungerande organisasjon.** Saman bidreg vi alle til å verkeleggjere desse måla.

På vår stad, i vår tid, bidreg vi til at Ulstein kyrkje kan skape «Meir himmel på jorda».

Gudstenesteutvalet har i 2018 hatt fylgjande medlemer:

Karianne Orvik
Margareth Vikebakk
Trond Berg
Margit Lovise Holte
Jørgen Skogestad Kleiven
Ståle Helvig
Inge Kaldhol

Utvalet sitt arbeid

To gongar i året samtalar utvalet om gudstenesteplanen for neste halvår, der nokre detaljar rundt gudstenestene vert diskutert. Møta i 2018 vart halde 10. april og 17. oktober.

I 2018 har vi hatt evaluering av den liturgiske musikken, etter at kyrkerådet vedtok innstramming i val av musikk for å få dette meir likt i alle kyrkjer. Til ordninga for familiegudstenester var ikkje alle alternativ klare, og utvalet må ta opp igjen arbeidet med dette i 2019. Noko av den liturgiske musikken som ikkje er tenkt å vere med vidare, ynskjer utvalet at me søkjer biskopen om dispensasjon for å bruke, då den er godt innøvd og fungerer godt i kyrkjelyden vår.

Utvalet vedtok ny plassering av prosesjonslysa, mellom lesepult og trappa opp til preikestolen. Bakgrunnen er at når det er kor i kortrappene sto prosesjonslysa rett bak dei som syng, og i jula står julekrybba på denne plassen.

Utvalet har prøvd å få i gong gudstenestegrupper som skal vere med å planlegge og gjennomføre ei gudsteneste. Dette har utvalet ikkje lukkast med så langt.

Oppslutninga om gudstenestene er framleis god. Dåpsfamiliene tek utfordringa med å lese tekstane i dåpsliturgien og å tende dåpslyset.

Vi er ein nattverdsfeirande kyrkjelyd, og det er flott å sjå at mange brukar dei 2 nattverdastasjonane me har i dei fleste gudstenestene. At vi i mange gudstenester inkluderer ekstra song og/eller musikk-krefter gjev variasjon og inspirasjon i gudstenestelivet, og det høyrer godt at kyrkjelyden tek del i liturgi og salmesong. Det synest vere ein tendens at oppmøtet er godt når det gjeld gudstenester retta mot særskilde grupper, og dei er det heldigvis mange av. Elles synest det vere ein liten nedgang i den faste flokken.

Gjennom året er det mange frivillige medarbeidarar som tek del i kvar gudsteneste med oppgåver som medhjelpar, kyrkjevert, tolk, nattverdutdelar og kameraansvarleg for overføring av gudstenesta til Ulshaug, Holseker og Alvehaugen og nokre gongar når me veit det vil bli fullt i kyrkja; ekstra vakter, ved trappa på galleriet og ved sideinngangen.

Ei gruppe born er kyrkjesvaler, og tek del i prosesjon, tenner lys, gjev dåpshanddukar og samlar inn kollekten. Dei litt større borna er også med og les bønner og bibeltekstar. Nokre av desse største borna er nokre gongar også med å delar ut nattverd. Ordninga med desse medhjelparane under gudstenesta fungerer godt. Borna synes det er fint å være med.

Det ser ut til at vi har ein god struktur på dette, men vi ynskjer også fleire personar som kan stille opp. Å rekruttere nye medarbeidarar er ei utfordring.

Nokre av dei som har vore med som tolk sidan me starta opp, har no takka for seg og vi er no 4 personar som delar på tolkinga. Her skulle vi hatt fleire.

Har du lyst til å være medhjelpar, kyrkjevert, tolk, kamera-ansvarleg - eller kanskje dåpsvert? Vi vil gjerne ha deg med - så ring, mail eller stikk innom for ein prat!

Misjon - saman om å dele evangeliet



Den stadig meir fastlåste situasjonen i Midtausten har kome oss nærare, både gjennom media og ikkje minst gjennom den auka straumen av flykningar til Europa. Vi høyrer og les om krig, borgarkrig, forfølgjing, drap, tortur, truslar og tvang. Både lokal og internasjonal innsats for fred mislukkast i større eller mindre grad. Mange har flykta. Andre ynskjer å flykte, men klarer det ikkje. Nokre vel å bli, men ber dei som flyktar om å fortelje. Kyrkjer i desse landa har aukande forfølgjing av kristne.

Midtausten

Ulstein sokn held fast ved sin misjonsavtale med NMS med fokus på Midtausten. Den viktige satsinga er Sat7. Sat7 har 25 millionar sjåarar i den arabiske verda og skapar såleis ein kristen TV-kyrkjelyd. Mellom anna lagar dei skuleprogram for born i flyktningeleirar, der билетet til venstre er henta frå. <http://sat7.org/our-channels/channel-overview/sat-7-kids>. Andre satsingsområde i Midtausten er sal av biblar og å styrke kvinner sine rettar.

Kambodsja

I regi av Misjonsalliansen vart misjonæranne Karen og Anders Myrene med borna deira, Elias, Mathias og Johannes, sendt ut til Kambodsja i desember 2015. Ulstein kyrkjelyd støttar dette formålet gjennom kollekt på gudstenester og vil videreføre dette i 2019.

Lokalt arbeid

Det er mange foreiningar i Ulstein sokn som er knytt til Det Norske Misjonsselskap. Barneforeininga i Ulsteinvik sentrum er ikkje lengre aktiv, men arrangerte både påskeverkstad og juleverkstad i 2018.

Barne- og ungdomsarbeidar Gunnhild Bremer deltok 2 gongar på arrangementet "Endeleg Torsdag", for å fortelje om misjonsprosjektet vårt.

Kristin Norset frå Det Norske Misjonsselskap deltok på ei gudsteneste og på ein "Torsdagskveld på Fredheim" hausten 2018.

Frivillig engasjement - saman bygge fellesskap

Den største ressursen Ulstein sokn har, er dei mange frivillige som engasjerer seg i arbeidet på ulikt vis:

Planlegging og gjennomføring av gudstenester	299
Barnearbeid / trusopplæringstiltak 0-12 år	87
Ungdomsarbeid / trusopplæringstiltak (13 år og eldre)	177
Diakoniarbeid	75
Kultur- og konsertarrangement	543
Komité- og utvalsarbeid	31

Ulstein sokn har kontinuerleg jobba med ungdomar over konfirmasjonsalder for å bli frivillige leiarar på konfirmantleir. På kvar konfirmantleir er det 10-15 ungdomsleiarar som er med å gjennomføre leiren.

I 2018 har Ulstein sokn inngått eit samarbeid med AIDO som leverer ein app for å registrere frivillige og publisere oppgåver for frivillige. Vi ser at dette er eit godt hjelpemiddel som kan lette arbeidet med å kontakte frivillige. Vi har ikkje kome så langt at mange nok har registrert seg slik at appen fungerer som ei god avlasting, men vi ønskjer å jobbe vidare med dette.

Frivillig arbeid er eit uttrykk for å høyre til i ein fellesskap, så relasjonane og nettverka som blir skapt gjennom frivillig arbeid er vel så viktig som det at sjølve oppgåva vert utført. Å bygge relasjon og nettverk gjennom frivillig engasjement er ei viktig oppgåve for dei tilsette.

Diakoni

Saman på ferda er Ulstein sokn sin visjon og saman vil vi la den diakonale tanke være sentral i alt vårt virke både i gudstenesta, trusopplæringa, korarbeid, møte med menneske i sorg og krise og i fellesskapsfremmande tiltak.



Vi har ein diakoniplan som synleggjer det diakonale arbeidet i Ulstein sokn. Den er er tufta på dei fire søylene i den norske kyrkja sin plan for diakoni:

- Nestekjærleik
- Inkluderande fellesskap
- Kamp for rettferd
- Vern om skaperverket

Nestekjærleik

Stille time

Vi har som mål å legge til rette for at menneske kan hente styrke og hjelp i relasjonen til Gud. Vi ønskjer å gje rom for stille og kvile og tid til bønn og ettertanke. Difor er Ulstein kyrkje open tysdag til fredag frå kl 08:30 til 16:00, slik at dei som vil kan setje seg ned å ha ei stille stund. 2 kveldar i månaden er det og høve til å kome i kyrkja på kveldstid til "Stille time". Her er det skriftlesing, musikk, høve til forbøn eller berre å sitje i stilla. Frå hausten 2018 var det kveldsbøn etter keltisk tradisjon ein gong kvar månad. Det er Elsa Sæter, Astrid Viseth, Bjørg Allis Hånes og diakonen som er ansvarlege. Eldar Husøy har spela piano når det er keltisk kveldsbøn.

Samtale og sjelesorg

Både prestane og diakonen er tilgjengelege for samtale og sjelesorg og mange nyttar tilbodet.

Sorggruppe

Det vart hausten 2018 starta opp ny sorggruppe saman med Hareid sokn.

Allehelgensamling

Laurdag før helgemesse var alle som hadde mist nokon siste året invitert til ei samling i kyrkja der ein kunne minnst dei som var gått bort, tenne lys og der namna til dei avlidne vart lest opp. Birgitte Vik Wymer song vakkert og rundt 70 personer deltok.

Ringblomen

Dette er ei sosial samling på Bygdastova første måndag i kvar månad. I 2018 var det 8 samlingar. Talet på deltakarar har minka siste året, og no er det rundt 20 som kjem medan det tidlegare var over 30. Grunnen til nedgangen veit vi ikkje, men generelt har aktiviteten på bygdestova minka. Sjølv om det er få som kjem set dei som er der pris på det. Dei frivillige er Aasmund Tandstad, Endre Havåg, Astrid Haddal Ryssevåg, og Torstein Aksnes.

Samling for eldre av eldre

Under Trebåtfestivalen var det ei samling for eldre frå sjukeheimen og Bygdastova i kyrkja. Der er det eit godt samarbeid med sjukeheimen om transport. På

samlinga var det eldre som song, las dikt og spela på eit instrument. Det er flott når ein mann som kroppsleg er blitt svak syng med kraftfull røyst. Etterpå var det enkel servering. 46 eldre deltok.

Aksjon Hjartevarme

Nykyrkjekarane organiserte før jul matinnsamling i ein aksjon kalla "Hjartevarme". Diakonen og soknepresten sto for kontakt med dei som ønska mat og utlevering. 47 husstandar takka ja til tilbodet og det var flott å sjå korause folk i byen var med å gje, og at hjelpa gjekk til dei som trengte det. Dei som fekk kasser var svært takksame!

Heimebesøk

Diakonen går på besøk til ein del eldre som bur heime. Det er ein viktig del av arbeidsoppgåva og er i samarbeid med andre etatar. Vi har vidare som mål å lage møteplass for heimeverande med små born og for nye i bygda (utlendingar og norske utan barnehageplass) Open barnehage og Babysong er viktige tiltak for denne gruppa. Dette er omtala i eige kapittel.

Lunsjbøn

Frå hausten 2018 har vi og hatt lunsjbøn i Ulstein kyrkje ein onsdag kvar

Ulstein sokn har diakon i 100% stilling og eit diakoniutval som består av:

Inger Margrethe Roppen, Tørris Heggdal og Anne Marie Hopland.

månad. Då er det ei kort samling med ein enkel liturgi i kyrkja først, og så et vi lunsj saman etterpå, også det i kyrkja.

Inkluderande fellesskap

Overføring av gudsteneste

Vi ser det som særst viktig at gudstenestefellesskapet opplevast inkluderande og inviterande. Gudstenestene vert overført til sjukeheimen og bygdestova, med enkelte tekniske utfordringar i 2018, slik at det ikkje virka ei stund. Det er og ei utfordring at ikkje alle tilsette på sjukeheimen prioriterer sendingane for dei som ønskjer det.

Tolketeneste

Det er kvar søndag tilbod om tolking til engelsk og tekstane som blir lesne vert gjeven til flyktningane på ein lapp i forkant av gudstenesta, slik at dei kan slå opp tekstane i eigen bibel.

Andakter

Utover gudstenestene vil vi gje eit åndeleg tilbod til dei som ikkje så lett kjem seg til kyrkje og nesten kvar torsdag er det andakt på sjukeheimen og Bygdastova. Det vart, av dei tilsette på kyrkjekontoret, halde 72 andakter på desse institusjonane. I tillegg vart det halde gudstenester begge stadar, samt i Halsekerdalen 20.

Gudsteneste med universell utforming

To gonger kvart år har vi gudstenester med universell utforming. Dette er gudstenester der dei med psykisk handikap og funksjonshemming er særskilt inviterte. Det kjem og folk frå Volda og Herøy. På gudstenesta i juni var det 69 til stades og på gudstenesta i desember var det 56.

Internasjonal kvinnegruppe

Grappa har faste møter annakvar tysdag. Dette er eit sosialt og åndeleg tilbod til innflyttarkvinner. Vi møtast i heimane og det er en viktig arena også for å gi informasjon om det som skjer i samfunnet vårt både nært og nasjonalt. Før jul og før påske byd vi inn til hobbykveldar kor me lagar pynt til hus og heim. På desse samlingane kjem rundt 20 personar, elles er det mellom 12 til 18. Sonja Kaldhol, Anne Marie Hopland og Elsa Sæter er med på å drive grappa. Vi hadde i 20 samlingar i 2018.

Endeleg torsdag

Endeleg torsdag er eit nyare konsept. I samarbeid med SUFH har vi kunna tilby rimeleg middag ein gong kvar måned på haust og vinter. Frå hausten flytta vi samlinga frå SUFH til Fredheim. Opplegget er under utprøving og tilrettelegging, og vi prøvar no å tilby borna leksehjelp slik at dei kan kome rett frå skulen. Etter middag kan borna gå på diverse aktivitetar, til dømes Tween Sing.

Kyrkjelydstur

Nytt av året var kyrkjelydshelg. Ei flott helg vart det for dei 65 som var med - denne gong mest familiar med yngre born. Utfordringa vert å finne ein større stad, der vi kan få med fleire, og også dei som har økonomiske utfordringar.

Kyrkjelydens sommarfest

Vi hadde tradisjonen tru ein sommarfest på Kjeldsund. Gudstenesta var og på Kjeldsund og totalt var 230 personer innom den dagen.





Internasjonal julefest

Det vart og arrangert internasjonal julefest der rundt 60 personer tok del.

Kyrkjekaffi

Kyrkjekaffi er ein fin plass for eit inkluderande fellesskap, anten ein er ny i byen eller ein ønskjer å treffe andre. Her stiller mange frivillige opp med å bake og lage til. Mellom 50 og 70 kjem på kyrkjekaffi kvar søndag.

Har du lyst til å vere med å hjelpe til med å lage til kyrkjekaffi - ofte eller av og til? Ta kontakt med diakon direkte eller kyrkjekontoret.

Vern om skaparverket

Kyrkjelyden arbeider med den bibelske forståing av Guds skaparverk og mennesket som ein del av det. Ulstein kyrkjelyd er en grøn kyrkjelyd og det forpliktar. I gudstenesta på Høgåsen feirast skaperverkets dag. Som kyrkjelyd ønskjer vi og å skape bevisstheit gjennom trusopplæringstiltaka. Borna i 1. og 2. klasse blir invitert til to samlingar - ei om våren der dei får setje poteter og ei etter ferien der dei haustar. Det er knytt undervisning til desse dagane.

Kamp for rettferd

Som kyrkje er vi utfordra til å arbeide med rettferd og menneskerettar i eit globalt så vel som eit lokalt perspektiv. Vi ønskjer å formidle haldningar som er inkluderande og akseptierende.

Vi stør rettferdsarbeid globalt gjennom misjonsprosjektet vårt i Midtausten, der vi mellom anna er med å gje barn i flyktningeleirar skulegong via TV, Sat7 Academy, og helseklinikk for fattige i Kairo. I konfirmantundervisninga får dei lære om rettferd og menneskerettar gjennom undervisning og handelsspelet. Konfirmantane er engasjert i Fasteaksjonen til Kirkens Nødhjelp og i 2018 kom det inn kr 124.129.

Frivillige i kyrkjelyden brukar tid på å hjelpe og rettleie asylsøklarar i deira prosess og hjelper dei å forstå brev og informasjon dei mottek.

Som kyrkje er vi utfordra til å arbeide med rettferd og menneskerettar i eit globalt så vel som i eit lokalt perspektiv. Vi ønskjer å formidle haldningar som er inkluderande og akseptierende.

*Foreldre og barn
-Saman i barnehagen*



Opningstider

Barnehagen, nede på Fredheim:
Tysdag og torsdag
kl. 10:00 - 14:00

Babysong, oppe på Fredheim:
Annakvar torsdag,
kl. 12:00 - 13:00

Byggekllossen Open Barnehage

Byggekllossen Open Barnehage er framleis ein viktig del av soknet sitt arbeid og leverer ei viktig teneste for Ulstein kommune. Byggekllossen open barnehage er den einaste opne barnehagen i kommunen der barn og foreldre tek del i tilbodet saman. Dette gir både kvalitetstid for barn og vaksne saman, og med kvarandre. Tilbodet er ope og fungerer utan påmelding eller tildeling av plass på førehand. Mange som bruker Byggekllossen Open Barnehage gjer dette regelmessig for ei avgrensa periode, men mange også sporadisk med barn i ulike alder. Variasjonen i besøkstalet kan vere ganske stort. Barnehagen fylgjer skuleruta, og held stengt i skuleferiane.

Byggekllossen har både årsplan og semesterplan, er regulert av Lov om barnehagar, og Rammeplan for barnehagar, og er drive etter utvida kristen formålsparagraf. Ved sida av det pedagogiske tilbodet med formingsaktivitetar, samlingsstunder, song, forteljarstund og presentasjon av nokre bibelfortellingar er kontaktskaping og nettverksbygging eit unikt bidrag frå Byggekllossen Open Barnehage for mange som er nye i samfunnet. Mange brukarar fortel at det er i Byggekllossen dei blei kjent med andre foreldre og fekk god hjelp med å kome inn i Ulsteinsamfunnet.

Ca. 10 frivillige pensjonistar stiller på turnus i barnehagen med å ta i mot brukarar, registrere borna, vere dørvakt og hjelpe til med nokre praktiske oppgåver. Diakonen møter regelmessig i barnehagen og har fokus på barnefamiliar, pensjonistar og innvandrar slik at barnehagen blir ein samhandlingsarena for både kyrkjelyd og samfunn.

Byggekllossen har samarbeid med barnehagesektoren i kommunen, asylmottaket, distrikts-tannklinikken og helsestasjonen.

Babysong - ein god start for foreldre og born

I samband med nokre av opningsdagane i barnehagen blir det også arrangert det populære trusopplæringstilbodet Babysong. Sosialisering, relasjonsbygging, språkutvikling, musikkglede og godt fellesskap har vore tanken bak å tilby dette som ein del av barnehagens arbeid. Fokuset er samspel foreldre-barn og skal samtidig vere et tiltak for å knytte relasjon til kyrkja og andre i same livssituasjon. Vi vil satse meir på Babysong (oppe på Fredheim) i 2019 ved å engasjere musikkpedagog Kari Aske Osnes.

Bemanning

Våren 2018 har Ulstein sokn gått gjennom ein omfattande omorganiserings- og nedbemanningsprosess på grunn av ei sterk redusert tildeling av tilskot til å drive Byggekllossen Open Barnehage. Vi måtte redusere tilbodet og organisere tilbodet på nytt med færre tilsettesressursar enn før. Sidan påske 2018 hadde Byggekllossen Open Barnehage oppe berre 2 dagar i veka.

Eit samarbeidsutval med 2 representantar frå brukarane, sokneråd, administrasjon og tilsette har eit årleg møte for å godkjenne årsplan i samsvar med Rammeplan og Lov om barnehagar.

Leiaren for barnehagen har studiepermisjon frå haust 2018 av og det er engasjert to vikarar for arbeidet.

Det møtte i gjennomsnitt 12 barn per opningsdag i 2018.

Kyrkjemusikk

Musikk i kyrkja engasjerer breidt. Omlag 3200 besøkande kom på konsertar som vart arrangert i kyrkja i løpet av 2018. 199 frivillige aktørar over 15 år har vore med å bidra musikalsk gjennom kor, band eller med soloinstrument i gudsteneste. I tillegg kjem alle barn og unge under 15 år som har vore aktivt med (t.d. barnekora i Ulstein sokn). 543 har vore med på planlegging og gjennomføring av konsert i kyrkja. Samspelet mellom musikken, bodskapen og kyrkje-romet opnar for opplevingar mange sett pris på.

Saman til Guds ære og glede for kvarandre



Song/musikk/kulturarrangement i Ulstein kyrkje 2018

11.01	Teater/drama - Lutherspelet v/tilsette i Ulstein sokn
14.02	Konsert - Elvis gospel
15.03	Salmekveld - Eyvind Skeie/ Ståle Helvig/Hemingen
21.03	Konsert - Gospelkoret
28.03	Orgelkonsert - Ståle Helvig
07.04	Konsert - Jubileumskonsert med tidlegare og noverande songarar i Ulstein Tensing
26.05	Konsert - Gospelkoret og Redeemed
04.06	Musikkandakt - Lakris/Korkklubben
07.06	Konsert - Ulstein Mannskor og gjestekor
23.08	Konsert - For/med eldre
24.08	Konsert - «Frå pub til Katedral» v/ Sindre Løvik m. fl.
20.10	Konsert under Alive-festivalen
28.10	Konsert m/ elevlar/lærarar frå Viken Folkehøgskule
04.11	Konsert - Jazz og Koral/Damekoret Lyst
10.11	Konsert - Ulf
24.11	Gospelkonsert - UlsteinTensing med gjestar
29.11	Konsert - Ulstein kulturskule
30.11	Konsert - Maria Arredondo/Torstein Sødal med Gospelkoret og Ulstein Tween Sing
16.12	Konsert «Vi syng jula inn»
22.12	To konsertar - Julenattiné 2018

Kordeltaking/solosong/ekstra instrumental i gudstenester

Ulstein Tween Sing	4
Korklubben	5
Ulstein Ten Sing	1 + Drypp
Gospelkoret K/M	2
Solosong	14 + Drypp
Forsongargrupper born/unge	4 + Drypp
Ekstra instrumental/band	19
“Kor” skulegudstenester	2
“Kor” barnehagegudstenester	3
Klassekor (utdeling biblar til 5-kl.)	1
Påskekor/julekor	4
Jubileumskor (tensing)	1
Fjøresteinane	2
Sunnmøre Kristelege Mannskor	1
SUFH-gruppe med band	1
Lysvåkenkor	1
Lakris	1

Om aktivitetar Korklubben og Ulstein Tween sing (Utdrag frå årsmeldinga til kora):

28.01	Tårnagent gudsteneste i UK	Tween Sing
11.02	Gudsteneste i UK (avslutningsgudsteneste dåpsskulen)	Korklubben
10.03	UKM, Sjøborg	Tween Sing
05.04	Song på Alvehaugen	Korklubben
15.04	Gudsteneste 4-årsbok (2 gudstenester)	Gruppe Korklubben
07.05	Song på Holvekerdalen 20	Korklubben
17.05	Gudsteneste i UK	Korklubben
2./3.06	Sosialtur/øving/overnatting på gamle Eiksund-skulen	Tween Sing
03.06	Gudsteneste/sommarfest på Kjeldsund	Tween Sing
04.06	Avslutningssamvær	Korklubben
26.08	Gudsteneste UK	Korklubben
08.09	Ulsteinmessa	Korklubben / Tween Sing
30.09	Gudsteneste i UK. Utdeling biblar 5 klassingar	Gruppe Tween Sing
21.10	Hauttakkefest UK	Korklubben
03.11	Fredheimbasaren	Korklubben
30.11	Maria Arredondo/Torstein Sødal-konsert	Tween Sing
02.12	Lysvåkengudstenesta	Tween Sing
06.12	Song på Alvehaugen	Tween Sing
24.12	Gudsteneste i UK	Korklubben

Medlemer av utvalet:

Øyvinn Sønnesyn,
Susanne Gamlem,
Jan Thormodsæter
og Ståle Helvig

Arbeidet gjennom året.

Kyrkjemusikkutvalet har hatt 4 møte (inkl. planlegging julenattinè 2018). I tillegg har utvalet vore med på 1 møte i kyrkjespelkomiteen. Kyrkjespelkomiteen har hatt 2 møte. Den musikalske aktiviteten har vore stor og mangfaldig. Arbeidet med julenattinè har utgjort mykje av arbeidet i utvalet.

Økonomi

Utleige av kyrka til konsertar i 2018 har vore på det jamne. Dette har gitt noko inntening. Godt besøk på «Frå-pub-til-katedral-konserten» og julekonserten med Maria Arredondo/Torstein Sødal gav god inntening til soknet. Konsertar som Ulstein sokn er arrangør for er budsjettert inn i soknet sitt budsjett. Her har det vore rimeleg bra økonomistyring.

Kr. 50.000,- av overskotet frå julenattinéen gjekk til Ulstein nye kyrkje.

Vurdering av arbeidet

Barnekorarbeidet (delvis henta ut frå årsmeldinga til barnekora).

Ulstein sokn har ansvar for 2 kortilbod: Korklubben (25 betalande medlemmar i 2018) og Ulstein Tween Sing (15 betalande medlemmer i 2018). Rekrutteringa for begge kora er jamn og tilfredstillande.

Haust 2018 gjekk dirigenten for Korklubben, Beate Mjøen Berg, ut i permisjon frå Ulstein sokn, og dermed også ut i permisjon frå Korklubben. Ho hadde då vore samanhengande leiar i koret sidan haust 2003. Ny dirigent frå hausten 2018 er Bente Anita Sæter Pilskog. Hovudsatsinga for Korklubben i 2018 har vore gudstenestesongen.

Eit høgdepunkt for Tween Sing i 2018 var å bli med på Ungdommens Kulturmonstring på Sjøborg. Det er særskilt motiverande å vere med i denne store samanhengen, ilag med andre unge kultur-ytarar.

Koret hadde også ein overnattingstur på Eiksund gamle skule 2.-3. juni. På programmet stod leik, mat, sosialt samvær, korøving og andakt. Søndags morgon drog koret rett til Kjeldsund for å delta med song på soknet sin sommarfest der. Ei viktig helg for samhaldet i koret.

Konsertverksemd i eigen regi.

Det er etter kvart blitt etablert nokre «faste årlege konsertar» i Ulstein kyrkje: Orgelkonserten onsdag i den «stille veka», Ulstein Mannskor sin konsert under «Smak av Ulstein», «Jazz og Koral» Allehelgensdag, kulturskulekonserten i adventstida, «Vi syng jula inn» 3. søndag i advent, og Julenattinè 22. desember. Vi merkar god oppslutning om desse konsertane.

I mars gjesta Eyvind Skeie Ulstein sokn. I det høvet arrangerte soknet ein salmekveld der Eyvind Skeie fortalde om bakgrunn og historie bak utvalde salmar. Blandakoret Hemenen deltok, og oppmøtet var godt.

I april jubilerer Ulstein TenSing. I det høvet blei gamle og nye «tensingarar» inviterte til å bli med i eit felleskor som øvde inn gamle og nye slagarar frå Profil/Ulstein tensing sitt rikhaldige arkiv/repertoar. Resultatet blei ein konsert på laurdagskvelden og gudstenestesong i påfølgande søndagsgudsteneste.

I høve årets Trebåtfestival, arrangerte Ulstein sokn konserten «Frå pub til katedral». Her presenterte Sindre Løvik med 2 musistarar verdslige og sakrale songar frå irsk/keltisk songtradisjon. Det var særskilt godt oppmøte på denne konserten.

Mykje av møteverksemda for kyrkjemusikkutvalet har gått til planlegging av Julenattinè. I år var det 21. året julenattinéen blei gjennomført, med rimeleg

god oppslutning, men litt mindre enn tidlegare år. Også dette året klarte utvalet å vise mykje av breidda av musikklivet i Ulstein. Det var 6 nye solistar. Orkesteret bestod av 8 musikarar, derav 1 ny på perkusjon.

Prosjektkor

Det er også dette året blitt etablert kor i høve festgudstenestene i påska og jula. Koret song på gudstenestene langfredag, påskenatt og 1. påskedag, samt 1. juledag. Desse kora har det vore god oppslutning om, men det har ikkje kome signal frå desse songarane om ynskje om meir fast gudstenestekorverksemd. Kyrkjekoret i Ulstein sokn er difor framleis «i dvale».

Musikk i gudstenestene

Elles er mykje av det musikalske engasjementet i kyrkja også dette året kanalisert gjennom gudstenestene. Dette viser igjen i talet på musikkdeltaking. Dette er i tråd med intensjonen i gudstenestereforma. Det er viktig at musikalsk mangfald får utfolde seg i gudstenestene.

Nytt kyrkjespel

Grappa som har arbeidd med dette er medlemmane i kyrkjemusikkutvalet, Dagfinn Olav Bye (regissør), Jan Ove Ulstein (forfattar), Leif Ringstad og Christfried Kaul. Arbeidet med nytt kyrkjespel har kome betrakteleg lengre, i og med at vi i år fekk eit stipend til å skrive manuskriptet. Spelet er tablåmessig utforma, og ber preg av å vere syngespel. Neste steg i prosessen er nå å få laga musikken. Nokre melodiar er ferdigskreve. Grappa er i kontakt med Henning Sommerro for ferdigkomponering. Kyrkjespelgrappa har som intensjon å få inn eksterne middel til å dekke kostnadane til dette.

Kantor si rolle i trusopplæring/kontakt med skulane

Dei siste åra har kantor fått ei større og større rolle i trusopplæringsarbeidet i soknet. Det dreier seg om tårnagentsamlinga, dåpsskulen for 6-åringar, konfirmantleirane, påskevandring, «Skapt», «Nytt liv» og «LysVaken». Engasjementet har vore frå totalengasjement til engasjement berre på den musikalske biten.

I tillegg har kantor dette året hatt uvanleg mange (15) skulebesøk, etter invitasjon frå skulane. Det dreier seg om øving til skulegudstenester, song med klassar, songframføringar med klassar, presentasjon av kantor sitt arbeide, deltaking på kulturskulekonsertar og kor-rekrutteringsbesøk.

Alt dette har vore tidkrevjande og i periodar intenst, men viktig med tanke på utviding av kontaktflata.

Moglegheiter framover

Det ligg mange moglegheiter i «Plan for kyrkjemusikk og kultur» for Ulstein sokn. Desse dannar grunnlag for hovudsatsingar vidare. Her kan nemnast:

Gje rom for dei ordlause kulturutrykka i gudstenesta (dansen/biletet)

Gje gode og attraktive kortilbod i alle stilartar, og alle aldrar

Lokal framføring av eit stort, klassisk kyrkjemusikalsk korverk i Ulstein kyrkje.

Ei stor utfordring er å finne konsept for attraktiv konsertverksemd som trekk såpass folk at det ber seg økonomisk. Gode prosjekt som sannsynlegvis ikkje trekk folk får vi stadig tilbod om. Slike prosjekt kan ikkje kyrkjemusikkutvalet/Ulstein sokn ta økonomisk ansvar for. Her er utfordringar, og ein kan kanskje tenke nytt og utradisjonelt: Lokalt tilsnitt, lokaldugnad, regional tenking (t.d. prostiplan) eller årvisse arrangement på strategiske tidspunkt.

Undervisning - Saman i læring og praksis

Trusopplæringa: Vi ønskjer å stå saman med familien i løftet om å la borna få leve og vekse i den kristne trua. Vi legg vekt på å lage gode arrangement, der borna føler seg sett og trygge. På arrangementa vil vi ha fokus på fellesskap og på å gje dei unge kjennskap til kyrkja, høgtidene, kristen tru og tradisjon.



Trusopplæringstilbod:

Dåpssamtale.

Babysong.

1 år: Dåpshelsing m/ bilete.

2 år: Samling m/ song, utdeling av spisebrikke og lunsj.

3 år: Dåpshelsing.

4 år: Undretur og gudsteneste m/ utdeling av "Mi kyrkjebok".

5 år: "Sauen som vart borte".

6 år: Dåpsskulen.

1. kl.: Skapt (Ute i krinsane).

2. kl.: Nytt liv! (Ute i krinsane).

3. kl.: Tårnagent i kyrkja.

5. kl.: Bibelutdeling / kode B.

6. kl.: LysVaken, eit døgn i kyrkja.

9. kl.: Konfirmantundervisning.

15-18 år:

- Drypp ungdomsgudsteneste

- MILK-kurs

- Leiar trening på leir

- Alive-festival

- Ulike tilbod i samarbeid med ungdomsorganisasjonar.

Dåpssamtale

I 2018 er det halde 12 felles dåpssamtalar i Ulstein kyrkje - ein kvar måned. Erfaringa er at samtlege dåpsfamiliar stiller opp med både mor, far og barn - og nokre med fadrar. I tillegg til at ein av prestane har vore tilstades, så har trusopplærar teke del med informasjon om trusopplæringstilbodet, samt ein smakebit på innhald i babysong. Dette er godt motteke og noko vi held fram med i 2018. Gjennom året har Ulstein sokn døypt 61 born på 0-år.

Babysong - ein god start for foreldre og born

Fokuset for babysong er samspelet foreldre-barn og skal samtidig vere eit tiltak for å knytte relasjon til kyrkja si trusopplæring og til andre i same livssituasjon. Les meir om dette tilbodet under omtale av Byggeklossen Open Barnehage.

Arrangement/Utdeling av ulikt materiell for 1-, 2- og 3-åringar

I 2018 endra vi noko på utsending av dåpshelsingar. 1-åringane, som før fekk berre helsing, får no i tillegg eit innrama bilete med fint motiv og med namn på dåpsbarn, foreldre og fadrar på baksida. Det vert sendt til ein fadder som besøker barnet og leverer gáva.

For to-åringane starta vi i 2018 opp med eit arrangement der vi ynskjer å møte 2-åringen og foreldra i ei kort samling der vi syng litt ilag, lærer bordverset og deler ut ei spisebrikke med påfølgande lunsj ilag. Vi fekk god hjelp av Line Lervik Aksnes som planla og gjennomførte songstundene. Johanne Krogstadmo frå kyrkjekontoret var og med. Ho hadde ansvar for registreringa/skrive namn på spisebrikkene og laminere dei fortløpande. 3 konfirmantar hadde tenesteoppgåver. Dei hadde og som oppgåve å ta seg av større sysken som var med. Trusopplærar batt det heile saman. I 2019 vil vi vidareføre dette arrangementet og truleg slå saman 2- og 3-åringane, fordelt på to samlingar.



Det er høve til å kjøpe den fine spisebrikka på kyrkjekontoret (kr. 100,-)

Arrangement/Utdeling av ulikt materiell for 4-, 5- og 6-åringar

Det var 63 born som fekk 4-årsboka si i 2018. Vi inviterte 75. 33 av desse var og med på undreturen som vi har i forkant. Dei to gudstenestene er godt tilrettelagt for 4-åringane og is og saft i parken etterpå er ei flott sosial hend- ing. 5-åringane som kom på Skeide, kosa seg med saueleiting og mykje aktivitet. Med 25 born + foreldre og 18 konfirmantar og leiarar vart det bra fullt i forsamlingshuset på Skeide.

«Dåpsskulen» for 6-åringane har hatt ei jamt bra deltaking kvart år sidan oppstarten i 2003. 49 born, med stor overvekt på gutar, møtte til ei flott oppstartsgudsteneste i Ulstein kyrkje med utdeling av 6-årsbok. Deretter hadde vi 5 samlingar, der vi på ei av dei og hadde "dåpsskule for vaksne" (frivillig) der vi tok opp aktuelle spørsmål, hadde litt undervisning om trua og opna opp for spørsmål. Til slutt ei avslutningsgudsteneste i kyrkja med utdeling av diplom på Fredheim etterpå. Borna var blitt godt kjent med kyrkja si og song av full hals.

Dåpsskulen er og ei fin mulighet til å rekruttere til barnekoret.



Høgdepunkt: “Skapt” og “Nytt liv” med påfølgande hausttakkefest

“Skapt” finn stad på våren og “Nytt liv” på hausten med påfølgande hausttakkefest. Takk og lov for dei som opnar hagane sine for oss! Det blei bra potetavling i år og! Vi opplever at desse to arrangementa er gode arenaer for læring og i 2018 hadde vi eit flott frammøte - 51% på “Skapt” og 79% på “Nytt Liv”. I dei tre skulekrinsane utanfor sentrum var så godt som alle med, medan talet på born i sentrum var mindre samanlikna med 2017. Frammøtet på våre arrangement er gjerne avhengig av at nokon i foreldregruppa er «ambassadørar» og deler arrangementet med andre foreldre. I travle barnefamiljar er det mykje å organisere og i tillegg til det faste som skjer kan invitasjonar til arrangement lett falle ut. Då er det å få ei påminning veldig flott. Stor takk til dei som er så flinke til å dele og vere ambassadørar!


Kode B og LysVaken

Vi arbeider jamnleg med tiltak vi har sett i gong, evaluerer og justerer. Men sjølv om vi har gode opplegg er vi ikkje sikra at det kjem born. Kode B for 5. klassingar tysdagen i haustferien 2017 måtte avlysast. Men då vi inviterte dei same til eit arrangement på våren 2018, kom det 29 born, og på haustens Kode B kom det 22. Konklusjonen er at greiaste tidspunkt er rett etter skuletid.



“Lys vaken” er eit kjekt opplegg i kyrkja, med overnatting for dei som vil). Det er tradisjon for å legge dette til 1. søndag i advent. Slik har vi hatt det her i 4 år no, men det er ei travel helg for dei som er med i korps eller kor. I år kolliderte LysVaken med eit arrangement på Ulstein bibliotek for same aldersgruppe. Det resulterte i færre deltakarar (15). Men ilag med dei flotte ungdomsleiarane hadde vi det veldig kjekt. Det er av stor verdi å ha med nokre MILK`arar i tillegg til konfirmantar som leiarar på “Lys vaken”.

Oppslutning om trusopplæringa i Ulstein 2014 - 2018



Frivillige

Å ha arrangementa våre rett etter skuletid, gir fleire deltakarar, men det blir vanskelegare å rekruttere frivillige frå til dømes foreldregruppa. Heldigvis har vi nokre pensjonistar og flyktningar som bidreg. Dette er veldig kjekke arrangement - så meld deg gjerne som frivillig, og bli med!

Utfordringar

2018 blei eit år der det ble mindre tilsettesressursar og ein litt vanskelegare kabal å legge, men trass dette har vi klart å halde hjula i gong. Det som blir skadelidande er anledning til å utvikle nye prosjekt til dømes 4., 7. og 8. klasse. Det blir og litt for lite tid til førebuing og etterarbeid.

*Konfirmanttida i Ulstein byr på leir,
gudsteneste, diskusjon,
undervisning, bibel,
bøn, lystenning,
leik, fellesskap,
gode opplevingar
... og mykje meir!*





Konfirmasjon

Laurdag 15. og søndag 16. september 2018 sto 92 ungdommar til konfirmasjon i Ulstein kyrkje. Vi opplever at oppslutninga om konfirmasjonen er rimeleg stabil, og registrerer at deltakartalet ligg noko høgare enn landsgjennomsnittet.

I følgje «Plan for trosopplæring - Gud gir, vi deler» skal konfirmanttida innehalde 60 timar med aktivitetar: Undervisning, gudsteneste og sosiale samlingar. I Ulstein sokn blir dette gjennomført med:

- **Undervisningssamlingar** i kyrkja og på Fredheim (to store samlingar i haustsemesteret, knytt opp mot presentasjonsgudsteneste i november og lysmesse i desember),
- **Gudstenestedeltaking.** I tillegg til gudstenester som alle konfirmantane skal møte på, skal dei i tillegg velje nokre gudstenester sjølv. Dei blir oppmoda om å gå til ei gudsteneste i eit anna kristent trussamfunn, for å erfare kva som er likt og kva som er annleis samanlikna med gudstenester i Den norske kyrkja. Dei blir også oppmoda om å delta på Drypp, som er gudstenester i Ulstein kyrkje av og for ungdom.
- **Konfirmantleir.** Ein god del av undervisninga er lagt inn i konfirmantleiren, som varer i fem dagar (fire overnattingar). Her har vi også sosialt fokus. På leiren er det med mange tilsette og mange frivillige ungdomsleiarar, som gjer ein stor innsats for at konfirmantleirane skal bli gode læremessige og sosiale arenaer.
- **Tenesteoppgåver.** Alle konfirmantane er med på å gjennomføre eit tiltak som er retta inn mot ei anna aldersgruppe i kyrkjelyden, born, ungdom, vaksne eller eldre. Slik får konfirmantane erfare at dei er del av ein større heilskap, og at det er mange aktivitetar i kyrkja og i regi av kyrkjelyden gjennom heile veka og heile året.
- **Fasteaksjonen.** Kvar vår går konfirmantane med bøsse for å samle inn pengar til det viktige arbeidet til Kirkens Nødhelp. I forkant av dette lærer dei om det dobbelte kjærleiksbodet, Den gyldne regelen, det kristne forvaltaransvaret og internasjonal diakoni.

MILK

Nokre veker etter at konfirmasjonsgudstenestane er vel overstått, får konfirmantane tilbod om å delta på minileiarkurs (MILK). Dette er eit viktig rekrutteringstiltak for Ulstein sokn, når det gjeld å utvikle leiarar til komande års konfirmantleir. Det var kjekt å sjå at det hausten 2018 var 14 ungdommar som meldte seg til å delta på MILK. Dette er verdifull leiartrening både for kyrkje og samfunn, og ei investering vi som kyrkje dreg nytte av i åra framover.

Kontakt med barnehagar og skular

Tilhøvet til barnehagane og skulane er prega av god kontakt over lang tid, og vi opplever å ha ein tillitsfull og open kommunikasjon med barnehagane og skulane. Det konkrete samarbeidet dreier seg mykje om dei store høgtidene jul og påske. I tillegg har vi eit samarbeid rundt bibelutdeling til femteklassingar. Dette blir gjort i september kvart år, slik at elevane kan bruke Bibelen i KRLE-undervisninga på skulen.

Før påske blir andreklassingane på skulane og barnehagane i Ulstein kommune invitert til påskevandring i kyrkja. Kva aldersgruppe barnehagane kjem med er mykje opp til dei sjølv, men dei fleste kjem med

storbarnsavdelingane. Vi går frå stasjon til stasjon inne i kyrkjerommet, som er midlertidig gjort om til «Jerusalem», slik at borna lærer gjennom deltaking og oppleving. I vandrainga får borna med seg palmer til palmesøndag, myntar til tempelplassen, dei får høyre historia om den første nattverden, arrestasjon, krossfesting og oppstode. Slik lærer dei om den kristne påskefeiringa, og korleis den framleis er ein viktig del av det norske samfunnet i dag.

I desember vart alle barnehagar og skular i Ulstein kommune inviterte til gudsteneste i kyrkja. Dette er ein fin og god tradisjon som vi trur barnehagane og skulane set stor pris på. Staben i kyrkja prøver å involvere elevar og barnehageborn i gjennomføringa av gudstenestene, og vi synest vi har funne samarbeidsmodellar som fungerer godt både med tanke på barnehagar, barneskulane og ungdomsskulen. Mellom anna er organist ute på skulane for å øve inn julesongar til gudstenesta.

Komité:

For Ulstein NMS:
Sama Haify

For Ulstein KFUK/KFUM:
Judit Grimstad Hatløy

For Ulstein sokn:
Bjørn Losvik

Torsdagskveld på Fredheim


Torsdagsmøta på Fredheim er eit samarbeid mellom Ulstein sokn, Ulstein KFUK-KFUM og Ulstein NMS. Det var planlagt sju møter, og gjennomført seks "Torsdagskveld på Fredheim" i 2018, tre i vårsemesteret og tre i haustsemesteret. Dette er færre enn året før, då vi satsa på å ha ekstra mange torsdagskveldsamlingar med tema rundt markeringa av 500-årsjubileet for den lutherske reformasjonen.

Vårsemesteret:

- 11.01** Lutherframsyning i Ulstein kyrkje. Drama om den Lutherske reformasjonen v/ staben i Ulstein kyrkje.
- 08.02** Bibeltime ved Sjur Sæter. Tema: Læresveinane sitt liv og virke. Om læresveinrolla generelt, om dei 12 som vandra med Jesus, og nokre av dei 12 litt meir utførleg.
- 15.03** Salmediktaren Eyvind Skeie tok oss med på ei salmereise, der hans eigne salmar sto på agendaen. Blandakoret Hemingen var også med og framførte nokre av Skeie sine salmar. Kantor Ståle Helvig trakterte orgel og piano.
- 03.05** Temakveld ved Liv Osnes Dalbakken: Utsett til haustsemesteret.

Hautsemesteret:

- 20.09** Kristin Norseth. Det norske misjonsselskap (NMS) hadde stemmerett for kvinnelege medlemar allereie frå 1904, 9 år før kvinner fekk stemmerett ved stortingsval. Korleis har kvinneforeiningane i NMS vore med å bygge demokrati- og samfunnsutvikling? Korleis har denne historia påverka NMS sitt misjonsarbeid i andre land?
- 18.10** Bibeltime v/ Margit Lovise Holte: Korleis tru når livet byr på store utfordringar? Korleis møter vi kvarandre i kyrkjefelleskapet når nokon har store utfordringar i livet? Høyrer vi andre sitt rop?
- 23.11** Liv Osnes Dalbakken: Kunsten å tru. Våren 2018 vann Liv ein kronikkonkurranse i avisa Vårt Land, med kronikken Kunsten å tro. Vi har invitert Liv til samtale og felles refleksjon rundt temaet ho tok opp i kronikken. Når tru er nok til å bli frelst, kva då med den som ikkje klarer å tru?



Born og unge - saman for ein trygg oppvekst

Samarbeid med barne- og ungdomsorganisasjonane

Gjennom eit godt etablert samarbeid med barne- og ungdomsorganisasjonane har Ulstein sokn kontakt med mange som er ein del av kyrkjelyden gjennom sitt engasjement. Deira bidrag set preg på både gudstenesteliv og kyrkjelyden sitt arbeid generelt.

Semesterplanar vert koordinert for å bygge kyrkjelydsfellesskapet i lag.

Fylgjande organisasjonar har Ulstein sokn eit regelmessig samarbeid med:

Ulstein KFUK-KFUM	Leiar: Magne Grimstad
Ulstein KFUK-KFUM speidarar	Leiar: Birgitte Øvrelied / Christfried Kaul
KRIK Ulstein	Leiar: Vegard Aksnes
NMSU	Kontakt: Gunhild Bremer
Ulsteinvik søndagsskule	Leiar: Christfried Kaul
Hasund søndagsskule	Leiar: Margit Sundgot Aarland
Sunnmøre folkehøgskule	Rektor: Arnt Ole Grimstad

Øvingstid:

Onsdagar: 19:00 - 21:30

Betalende medlemmar:

Pr. 21.12.2018: 49 stk.

Styret:

Øystein Grimstad Thormodsæter
Iver Fiskaa Ødegård
Anne Maria Langenes
Mathea Rosa Holte Grevstad
Silje Håheim
Maren Pieroth (Vara)
Ingrid Moldskred Nygjerde (Vara)

Ansvarleg vaksenleiar:

Andreas Halle

Styreleiar:

Eivind August Roos

Økonomi leiar:

Merete Håheim

Kontaktperson i Ulstein sokn:

Bjørn Losvik.

Ulstein TenSing

Sommaren 2018 fekk barne- og ungdomsarbeidar Beate Mjøen Berg permisjon frå si stilling i Ulstein Sokn. Gjennom si stilling har ho vore ansvarleg vaksenleiar for Ulstein Ten Sing. Andreas Halle tok over rolla som ansvarleg vaksenleiar. Ruben Voldsund har gjennom si deltidsstilling som barne- og ungdomsarbeidar i Ulstein Sokn delt ansvaret for Ulstein Ten Sing med Andreas Halle. Dei to har mellom anna jobba med ei digitalisering og effektivisering for å forenkle administrative prosessar.

Aktivitetar - Våren 2018

- Vintertreff 2018 i Stryn
- Feiring Ulstein TenSing 40 År
- Opptreden på DRYPP Ungdomsgudstenester
- Sommaravslutning - Osnessanden

Aktivitetar - Hausten 2018

- Opptreden på Ulsteinmessa
- Matsal på Fredheimsbasar
- Øvingshelg
- Arrangert Gospel Night
- Juleball

Frå og med hausten 2018 har Ulstein Ten Sing endra arbeidsmetode for å prøve å nå ut til fleire. Arbeidet har gått frå å ha faste grupper, til å jobbe meir dynamisk slik at alle får vere med på alt. Gjennom hausten 2018 og våren 2019 blir det jobba fram mot ein stor konsert på Sjøborg 4. mai 2019. TenSing har også halde fram med "Eldreomsorgen", som er eit tiltak for dei litt eldre ungdommane som går på vidaregåande skule.

Medlemstalet våren 2018 var stabilt samanlikna med hausten 2017 (43 betalende, i snitt 29 frammøtte på øvingar). Frå semesterstart i august 2018 har talet på medlemmar auka til 49 betalende, og snitt på oppmøte steig til 37. I samband med at vi bygger opp året, grupper og aktivitetar mot konserten i mai 2019, har engasjementet til ungdommane gått opp. Vi ser at ein meir dynamisk måte å jobbe på gjer at fleire tar ansvar og engasjerer seg i arbeidet mot eit stort hovudmål. Ungdommane føler seg også meir inkludert, sidan alle får delta på film, drama og dans etter ønske.

Drypp-komit :

Ragnhild Blindheim
Marie Blindheim
Eivind Roos
Andreas Halle
 yvind Thormods ter
Iver Fisk   deg rd
Silje H heim

DRYPP Ungdomsgudstenester

Ulstein sokn har hatt egne ungdomsgudstenester sidan 2016. Drypp-gudstenestene arrangerast ca. ein gong i m naden, og alt innhald i disse gudstenestene blir planlagt og gjennomf rt p  ungdomane sine premiss. Kvar gudsteneste har sitt eige tema som gjennomsyrrer musikk, liturgi og forkynning. I 2018 har vi blant anna hatt tema som «Identitet», «H p» og «Bibelen». I kvar gudsteneste tar vi ogs  opp eit offer som g r til Misjonsalliansen sitt arbeid i Kambodsja representert ved Anders og Karen Myrene. Anders held oss oppdatert p  arbeid ved   sende en videohelsing til kvar gudsteneste. Dette er med   forankre misjonsperspektivet i gudstenesta og gjere ungdommane bevisst p  at misjon og diakoni er ein viktig del av det   vere kyrkje.

Vi ser eit relativt stabilt oppm te p  om lag 50-70 personar som deltek p  disse gudstenestene. Vi ynskjer at dette arbeidet skal vokse vidare, og til eit enda meir regionalt tilbod enn kva det er i dag. D  ei utfordring med all type ungdomsarbeid er at ungdommar blir eldre og etter kvart flyttar for   studere og arbeide andre stader, s  m  vi halde fram med rekruttering av nye ungdommar til   vere med   planlegge og gjennomf re Drypp-gudstenestene.

Alive

Alive-festivalen vart 2017 arrangert for fyrste gong i Ulsteinvik. Ein festival med m lsetting om   vere ein felles plattform for det kristne ungdomsarbeidet p  Sunnm re. Dette er eit samarbeidsprosjekt mellom fleire av kyrkjene og kyrkjesamfunna i Ulstein og omegn, med Impuls Trondheim som bidragsyter innan kompetanse og frivillige ressursar. Det var eit spanande initiativ som samla om lag 400 ungdommar i Ulsteinvik i l pet av festivalhelga.

I 2018 vart festivalen gjenteke. Denne gongen hadde vi alle litt meir erfaring fr   ret f r, og p  bakgrunn av dette kunne vi vidareutvikle konseptet. Det   arbeide tverrkyrkjeleg og  kumenisk er viktig, og det   samarbeide for   skape eit godt tiltak for ungdom p  Sunnm re er ei viktige oppg ve og eit godt utgangspunkt for eit tverrkyrkjeleg samarbeid. Under  rets festival kom kanskje det tverrkyrkjelege samarbeidet enda tydelegare fram gjennom variasjonen av forkynnarar – d  dei som forkynte var Ragnhild L stad fr  Den evangeliske lutherske frikyrkje i Bergen, Thomas  leskj er fr  Oslo Kristne Senter og J rgen S. Kleiven fr  Ulstein sokn.

Alive 2018 hadde omlag tilsvarande antal deltakande ungdommar som  ret f r, noko vi kan seie er eit positivt signal p  at dette er eit  nska tiltak blant ungdom.

Alive-Festivalen er framleis ein ny-etablert festival og det er difor naturleg at ikkje alt er ferdigutvikla og perfekt. Det skal det heller ikkje vere, d  vi m  halde fram med   evaluere og utvikle konseptet vidare.

Planlegging av Alive 2019 er allereie i gong, og Ulstein sokn ynskjer   halde fram med   vere ein bidragsytar i dette arbeidet.

Vi ser fram til ein ny festival i oktober 2019.

Prestetenesta

Kyrkja søker å møte alle menneske i livet sine ulike faser og situasjonar med evangeliet om Guds kjærleik. I lys av Guds nådige blick skjer omsorg for sjeler gjennom kyrkjelege handlingar, aktivitetar og fellesskap.



Å møte menneske

Kyrkja søker å møte alle menneske i livet sine ulike situasjonar med evangeliet om Guds kjærleik. I lys av Guds nådige blikk skjer omsorg for sjeler gjennom kyrkjelege handlingar, aktivitetar og fellesskap.

Prestane sitt arbeid skjer i midten av kyrkja sitt sentrum, i gudstenesta med forvaltning av Ord og sakrament, men også i møte med alle menneske i Ulstein i alle livssituasjonar. Presten har kall, danning og utdanning til å vise omsorg for sjeler og ta vare på menneske i sårbare livssituasjonar anten det er i prestekle framfor alteret, i skibakken på konfirmantleir eller å besøke ein heim for å lytte til eit menneske som treng nokon som kan tåle å høyre heile livsfortellinga. I den fortrulege samtalen under teieplikta, får mange erfare å tre fram med si livsfortelling, og bli møtt med Guds kjærleik og sett av Guds gode blikk. Ein treng ikkje vere verken medlem eller fast kyrkjegjengar for å fortelje eller samtale med presten.

Presten si teieplikt, avvergeplikt og krav til å ikkje misbruke verken stilling, makttilhøve eller tillitsforhold, er regulert av straffelova (Straffelova §211, §196, §295) Dette forpliktande rammeverket skal gje tryggleik. Presteforeininga sitt profesjonsetiske dokument seier at verdiane openheit og integritet skal prege presten i møte med menneske. Presten «møter mennesker med respekt for deres erfaringer, fortellinger og oppfatninger, og lar sine egne forestillinger om hva som gagnar andre utfordres i møtet» (Profesjonsetikk 2017) I samspelet mellom openheit og integritet, bygger presten etter beste evne tillit når dei forvaltar desse verdiane audmjukt og med mynde.

Presteressurs i Ulstein er 1.8 % stilling fordelt på Sokneprest Margit Lovise Holte i 100 % stilling og kapellan Jørgen Skogestad Kleiven i 100% stilling. 20 % av presteressursen brukast på Hareid der vi går i treledda tenesteveteturnus med sokneprest på Hareid, Leidulv Ø. Grimstad. Grunna Møre bispedøme sine innsparingar har Ulstein måtte avgje 20% presteressurs der kapellane har hatt oppgåver som prostesekretær, og sokneprest har hatt ekstra gudstenester og gravferder i Herøy. Arbeidsbelastninga er stor, noko som har ført til at noko av kyrkjelydsarbeidet har vorte gjort på frivillig basis. Vi vonar få tilbake og auke presteressursen, slik at behov og arbeidsinnsats er i rimeleg balanse og i takt med folketalet.

Å høyre til er noko av det viktigaste prestetenesta arbeider med. Med dåpen som einaste kriterium for medlemskap, er Den norske kyrkja ei stor folkekyrkje med 80% av folket som medlemmar og ein stor andel kristne katolikkar og ortodokse som også nyttar Den norske kyrkja som sin fellesskap. Prestane tenestegjer for også dei som ikkje er medlemmar av Den Norske kyrkja, med kyrkja sine ordningar og liturgiar. Vi arbeider for at folk skal kjenne dei høyrer til gjennom kyrkjelege handlingar dei har rett på i kraft av sitt medlemskap. Vi arbeider også for at flest mogleg skal finne sin stad der det å høyre til også kan bety å vere med i ein aktivitet, eit mindre fellesskap, og gje av si tid til å bidra med ei frivillig teneste. I samarbeid med Speidar, KFUK/M, KRIK og NMS er det er eit stort og bærekraftig puslespel av ulike grupper og aktivitetar for folk i alle aldrar.

Trass i høgt arbeidspress er gleda over tenesta stor. Tilsette har gode samarbeidsrelasjonar og arbeider for at ulikskapar skal vere ein styrke for fellesskapan. Vi samhandlar tverrfagleg og i tema med ein stor skare frivillige medarbeidarar og finn glede i å gjer ting ilag. Kunnskap og delt erfaring gjev kreativitet, glede og kjensle av å høyre til. Terskelen for medverknad er senka dei siste åra og mange er positive til å bidra.

Saman bygger vi kyrkja.

Bygg og anlegg

For å kunne forvalte kulturarven og gjere tru og tradisjon relevant i vår tid trengst det ein levande fellesskap som fornyar seg om og om igjen. Med Ulstein gamle kyrkjestad frå middelalderen, Osnes kyrkjegard midt i eit kulturminneområde og Ulstein kyrkje som ei listeført kyrkje frå 1849, forvaltar Ulstein kyrkjelege fellesråd ein stor arv som lever vidare gjennom kyrkja sitt oppdrag i vår tid.



Kyrkjebygget

Ulstein kyrkje er framleis eit smykke med ein sentral plass i byen. Kyrkja har tent samfunnet i mange generasjonar og ho har ein plass i hjarta til mange som bur i Ulsteinvik. Kyrkja er brukt mykje og av mange.

Vi er sjølvsagt glade for at kyrkja er brukt så mykje. Men som ein av dei best besøkte kyrkjene i landet ber ho også tydeleg preg av bruksslitasje gjennom intens bruk. Det nye kyrkjebygget vil avlaste Ulstein kyrkje og gi langt betre høve for vern av kyrkja, både som eit historisk bygg og som eit bygg framleis i bruk.

Hausten 2018 blei kyrkja vaska utvendig, takrennene blei reinska, og kledninga inspisert. Det vart konstatert at kyrkja treng eit omfattande vedlikehald på alle dører og vinduer. Soknet hadde ikkje økonomi til å utføre dette arbeidet i 2018.

I løpet av sommaren 2018 vart alterringen trekt med nytt skinn av firma Flataker industri frå Fræna.

Også arbeidet med fornying av den utvendige lyssettinga av kyrkja blei avslutta i 2018.

For å betre kvaliteten på overføring av arrangement frå kyrkja til sjukeheimen og omsorgsbustadene blei det lagt ny fiberkabel og tilhøyrande tekniske installasjonar.

Kyrkjegardane

Ulstein kyrkjelege fellesråd har ansvar for gravferdsforvaltning i Ulstein kommune. Osnes kyrkjegard er den gravplassen som er i aktiv bruk. Med ei aukande befolkning vil også tal på gravleggingar auke. For å bruke arealet på Osnes kyrkjegard på best mogleg måte er det gjort ein grundig gjennomgang i gravregisteret for å frigjere graveareal. Fleire gravstadar med avslutta festeavtale, kan på denne måten blitt brukt igjen.

Vi har sett ein liten auke i valg av kremering med påfølgjande urnenedsetting. Ei urnegrav er langt mindre enn ei kistegrav og ved bruk av urne er det mogleg å bruke same grav for fleire i familien og knyte desse til same gravminne. Når det gjeld plassmangelen på kyrkjegarden, vil auka bruk av urner vere ei avlastning.

For å opprettehalde god jordkvalitet og føre organisk materiale tilbake til jorda, er det sett opp eit enkelt komposteringsanlegg på Osnes kyrkjegard. Idéen til dette kom frå ungdomar som hadde ei prosjektveke i samband med innovasjonscamp i 2017. Komposteringsanlegget vil også gi miljøgevinst ved mindre bruk av bil for transport av greiner og anna hageavfall.

Ulstein gamle kyrkjestad er ein historisk viktig plass, då den gamle stein-kyrkja frå 1100-talet sto der. Plassen blir brukt til utegudsteneste om sommaren. Det står nokre få gravminne igjen på den gamle kyrkjestaden. På fleire plasser har den gamle steinmuren rundt plassen dessverre begynt å rase ut, noko som gjer det farleg å ferdast der. For å opprettehalde plassen som eit verdig minne for framtida treng ein å lage ein plan for sikring, vern og vedlikehald av plassen

Den nedlagde gravplassen i skråninga bak Ulstein kyrkje i sentrum er ein vakker del av ein grøn korridor i sentrum.


Kyrjekontoret

Kyrjekontoret ligg i andre etasje i Sjøgata 61. Det er tilstrekkelig med kontorplass, men det er mangel på samtalerom. Tilkomsten er ikkje universelt utforma, og byr på utfordringar for brukarar. Også tilkomst, areal og standard på toalettet er alt for dårleg for eit offentleg kontor. Det har i 2018 ikkje blitt gjennomført større endringar eller vedlikehaldsarbeid på kontoret.

Ulstein Nye kyrkje

Ulstein kyrkje med sin manglande plasskapasitet, svært avgrensa muligheit for ulike samlings- og undervisningssituasjonar, manglande universelle utforming, ei utdatert oppvarmingsløyseing og mangel på lokale for kyrkjelydsarbeid, har satt i gang prosessen med konkrete planer for eit nytt kyrkjebygg.

Eit positivt vedtak på soknet sin søknad om ein kommunal lånegaranti kunne ha realisert ein prosess med detaljplanlegging og bygging, men kommunestyret har i sitt budsjettmøte i desember utsett saka. For innsamlingsarbeidet som også i 2018 har skapt stort engasjement er dette ein utfordrande situasjon.



Økonomien har vore gjennom ein krevjande prosess i 2018. Tilskot frå kommunen til Byggekllossen Open barnehage vart sterkt redusert og vi måtte gjennomføre ein omfattande omstillings- og nedskjeringsprosess. Denne har ført til at drifta i barnehagen har blitt redusert og at vi også måtte gå til oppseiing og redusering av bemanning. Også driftsbudsjettet generelt måtte bli stramma inn i løpet av 2018. At det likevel blei eit rekneskapsoverskot har samanheng med nokre vakansar som har oppstått og at vi ikkje klarte å følgje alle opp med vikarar.

Gjennomgang og fornying av festeavtaler har auka inntektene på drift av kyrkjegarden.

Det har i mange år vore peika på behovet for å fornye det tekniske utstyret på kyrkjegarden. I 2018 fekk vi eit investeringstilskot frå Ulstein kommune på kr. 530.000. Det blei mellom anna kjøpt ei ny gravemaskin, ein ny traktorklipper, to vanlege plenklipparar, ein snøfresar, ein lauvblåsar og nye avstivingsrammer for graving av grav.

Offer, kollekt og gåver

Sjølv om talet for kyrkjeoffer har gått noko ned er det framleis stor vilje til å gi – både til vårt eige arbeid og til andre føremål. 27% av offergåvene vart gjeve gjennom Vipps.

Meir enn kr. 25.000 kom inn i forbindelse med aksjonen Hjartevvarme til jul – i tillegg blei det gjeve matvarer til ein verdi av ca. kr. 50.000. Det er dermed heller ei auke i det som har blitt gjeve i offer og gåver.

Gjevartenesta for Barne- og ungdomsarbeidet i Ulstein sokn har framleis nokre trufaste gjevarar som gir eit beløp kvart år, men for å sikre stillinga til ungdomsarbeidaren, treng vi at fleire bidrar.

Kyrkjebyggjarar i vår tid

Kyrkjebyggjaravtalane har auka dei innsamla midlar med om lag kr. 1,2 mill. i 2018. Innsamlingsaksjonar som Kjolerulling og Ulsteinmessa bidrog med meir enn kr. 200.000 til eigenkapitalen for Ulstein nye kyrkje. Den formålsbundne høgrentekontoen til bygging av Ulstein nye kyrkje, hadde ved utgongen av 2018 ein saldo på kr. 4,1 mill. Det er forventat at fleire ynskjer å bidra økonomisk når eit endeleg vedtak om bygging av Ulstein nye kyrkje vert gjort.

Vi er audmjuke og takksame for det store engasjementet mange har for at kyrkja, særleg med tanke på barne- og ungdomsarbeid skal ha tenlege og store nok lokale. Det er ein enorm tillit til vårt arbeid å ta imot så mykje økonomisk stønad utan at prosjektet er vedteke! Vi vonar at kommunepolitikarane ser den store muligheita i dette engasjementet - til å kunne gi kyrkja framtidsretta arbeidsvilkår gjennom bygging av eit nytt kyrkjebygg på ein økonomisk overkomeleg måte.

Tabell 2: Samandrag rekneskap 2018 for Ulstein sokn

	Rekn 2018	Bud 2018	Rekn 2017
DRIFTSINTEKTER			
Salsinntekter	-906.965	-859.626	-839.446
Refusjonar	-3.615.333	-3.488.240	-3.595.179
Tilskot frå staten (Møre Bispedømeråd)	-1.253.300	-1.306.000	-1.282.150
Tilskot frå Ulstein kommune	-4.822.904	-4.875.471	-4.889.054
Tilskot frå Ulstein kommune til barnehagen	-473.837	-508.250	-1.015.000
Renter/avdrag UK	-914.307		-863.853
Offer til eiga verksemd	-214.199	-201.600	-232.567
Offer til anna verksemd	-189.878	-290.000	-184.458
Minnegåver	-43.127	-25.000	-13.275
Innsamla midlar andre (Fasteaksjonen)	-141.785	-125.000	-90.667
Gåver eiga verksemd (Nytt kyrkjebygg i Ulstein)	-1.423.549	-11.000	-1.216.227
Gjevarteneste (Barne- og ungdomsarbeid)	-23.000	-20.000	-21.856
Tilskot og gåver	-9.499.886	-7.362.321	-9.809.107
Finansinntekter	-796.454	-170.656	-518.025
Sum DRIFTSINTEKTER	-14.818.638	-11.880.843	-14.761.757

DRIFTSUTGIFTER

Lønn inkl sosiale utgifter	5.898.109	6.076.451	5.998.170
Kjøp av varer og tenester	1.751.581	1.661.077	1.821.736
Refusjon til kommuna	22.594	0	228.000
Refusjon til andre			14.419
Interne overføringar	3.126.431	3.126.431	3.281.729
Overføring til staten			4.067
Mva - generell momskomp. utg.	228.471	286.884	219.742
Overføring til andre			0
Overføring offer til anna verksemd	190.277	290.000	184.409
Overføring minnegåver	43.127	25.000	13.275
Overføring av innsamla midlar	141.785	125.000	90.667
Tilskot/gåver til andre	1.009	7.000	12.990
Tilskot til kurs og kr. verksemd	6.000	11.000	5.600
Overføringar	3.759.694	3.871.315	4.054.898
Renteutgifter, lånekostnader	109.334	72.000	74.286
Avdragsutgifter	964.850	115.000	945.125
Kjøp av andelar	0	0	0
Avsetjing disposisjonsfond	142.938	0	0
Avsetjing til bundne fond	1.521.994	85.000	1.259.850
Regnskapsmessig overskot	205.386	0	142.940
Avskrivningar	464.752	0	464.752
Finansutgifter	3.409.254	272.000	2.886.953
Sum DRIFTSUTGIFTER	14.818.638	11.880.843	14.761.757

Tabell 3: Oversikt over offer/kollekt til egne og eksterne formål**Eige formål***

Ulstein sokn - Diakoniarbeidet	18.312
Ulstein sokn - Trusopplæringa	11.463
Ulstein sokn - Undervisningsarbeid	20.832
Ulstein sokn - Barne- og ungdomsarbeidet	41.408
Ulstein sokn - Kyrkjemusikkarbeidet	13.603
Ulstein sokn - Nytt kyrkjebygg	73.551

Totalt, eige formål **183.783**

Eksterne formål*

Blå Kors	4.261
Barnevakten	5.004
Den norske Israelsmisjon	5.567
Det Norske Misjonsselskap	6.773
Det Norske Misjonsselskap v/ Kjeldsund leirstad	6.782
Det Norske Misjonsselskap (Ulstein sokn sitt misjonsprosjekt)	16.987
Institutt for Kristen oppseding	3.529
KFUK/M Speidarane, Sunnmøre krins	4.551
KFUK/M Speidarane i Ulstein	8.874
TV-aksjonen Kirkens Bymisjon	14.463
Kirkens Nødhjelp	30.347
Kirkelig Ressurssenter mot vold og seksuelle overgrep	7.751
Kirkens SOS Møre og Romsdal	3.909
KRIK (lokalt)	5.372
Menneskeverd	5.025
Misjonsalliansen i Kambodsja v/ Anders og Karen Myrene	7.747
Norges KFUK/M, Møre og Romsdal krins	9.594
Norges kristelige student- og skuleungdomslag	1.882
Sjømannskirken	10.249
Stefanusalliansen	6.142
Sunnmøre Folkehøgskule	3.367
Sunnmøre Folkehøgskule sitt solidaritetsprosjekt	8.422
Søndagsskulen - Sunnmøre krins	3.722
Søndagsskulen i Ulstein	5.925
Ulstein KFUK/M	5.925
Ulstein TenSing	7948
Åpne dører	3784

Totalt, eksterne formål **205.355**

*Beløpa er runda av til nærmaste krone.

Kontakter / Kommunikasjon



Kontakt med Ulstein kommune

Soknet har eit godt samarbeid med Ulstein kommune. Ordføraren er kommunen sin representant i Ulstein kyrkjelege fellesråd og dette er med i å verdsette kyrkja sitt arbeid og gjev oss ein viktig kontakt inn i dei politiske organa. I 2018 vart det også inngått ein fornya avtale mellom Ulstein sokn og Ulstein kommune for nye fire år (2019-2022). Denne avtalen er eit godt grunnlag og gjev oss føreseielege rammer for arbeidet vårt. Det har vore møter med jamne mellomrom mellom rådmann og kyrkjeverje og det er eit godt samarbeidsklima med kommuneadministrasjonen.

Vi får god støtte og hjelp av teknisk etat – ikkje berre rein praktisk via tenesteytingsavtalen. Vi fekk også god rådgjeving ved dei store innkjøpa av gravemaskin og traktorklipper.

Kontakt med prosten i Søre Sunnmøre

Prosten leiar prestetenesta i prostiet og er med dette næraste overordna for prestane. Gjennom prosten sitt initiativ har vi ein årlig prostidag for alle tilsette i prostiet. Prosten deltek også regelmessig på samlinga til kyrkjevergene og har årlege møter med stab og sokneråd.

Kontakt med Møre Bispedømeråd

Ulstein sokn får kompetansetilskot til kateketstillinga og til diakonstillinga. Tilskotet utgjør 50% av lønskostnadene til desse stillingane.

I 2018 fekk vi godkjent lokal plan for trusopplæring og sendte inn lokal diakoniplan til godkjenning.

I samband med bygging av Ulstein nye kyrkje står vi også i god dialog med bispekontoret sin rådgjevar. Besøk av undervisningsrådgjevar i samband med evaluering av trusopplæringsarbeidet var til god inspirasjon for arbeidet vidare.


Hausten 2018 har vi også utarbeidd visitasmelding og program for bispevisitas 2019.

Kyrkjesida i Vikebladet / Vestposten

Med kyrkjesida i Vikebladet når vi fram til 3.013 papirabonnentar (tal frå 2017). Med 6622 medlemar/tilhøyrige i kommunen er dette ei verdifull ordning for å orientere lokalsamfunnet om folkekyrkja sin aktivitet og arbeid. Vi har eit godt samarbeid med lokalavisa vår og leverer annakvar veke informasjon om komande gudstenester i Hareid og Ulstein, samt omtale og informasjon om "Nytt frå Ulstein kyrkjelyd".

Nettsider og sosiale media

Heimesida til Ulstein sokn, www.ulsteinkyrkje.no, er ein nettstad der vi gjer informasjon om kyrkjelege handlingar, gudstenesteliv og kyrkjelydsarbeid tilgjengeleg for publikum. Dei fleste brukar påmeldingsløysinga for å melde barna til dåp, ungdom til konfirmasjonsundervisning eller borna til trusopplæringstiltak. Omtale av søndagens tema og eit preikearkiv på våre heimesider har blitt viktig for mange. Nyhende og informasjon om arrangement blir som regel delt vidare på Ulstein kyrkje si Facebook- side. Vi opplever Facebook som ein kanal der vi når godt ut til mange. Nær 1000 personar har abonnert på Ulstein kyrkje si Facebook-side.



Ulstein Sokn
Årsmelding 2018

www.ulsteinkyrkje.no



DEN NORSKE KYRKJA

Meir himmel på jorda